

ს.ს. „ელექტროენერგეტიკული სისტემის კომერციული
ოპერატორი”



ქონების, სიცოცხლისა და ჯანმრთელობის დაზღვევა

ხელშეკრულების პროექტი

ქ. თბილისი

2021 წელი

ხელშეკრულების პროექტი

ქ. თბილისი

{რიცხვი} {თვე} {წელი} წელი

ერთის მხრივ სს „ელექტროენერგეტიკული სისტემის კომერციული ოპერატორი“, წარმოდგენილი მისი გენერალური დირექტორის ----- სახით (შემდგომში „შემსყიდველი“) და მეორეს მხრივ, (-----) წარმოდგენილი მისი {ხელმძღვანელი თანამდებობის დასახელება, სახელი და გვარი} სახით (შემდგომში „მიმწოდებელი“), „სახელმწიფო შესყიდვების შესახებ“ საქართველოს კანონის, სატენდერო პირობების, დოკუმენტაციისა და წინადადების საფუძველზე, ელექტრონული ტენდერის (ტენდერის ნომერი) ჩატარების შედეგად, დებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულების საგანი და შესყიდვის ობიექტი

1.1. ხელშეკრულების საგანს წარმოადგენს 1.2. პუნქტში აღნიშნული შესყიდვის ობიექტი.

1.2. შესყიდვის ობიექტს წარმოადგენს **ქონების, სიცოცხლისა და ჯანმრთელობის სადაზღვევო მომსახურება (CPV66500000)**, სატენდერო პირობებისა და სატენდერო წინადადების შესაბამისად, რომლებიც წარმოადგენენ ხელშეკრულების განუყოფელ ნაწილს, ტენდერის საბოლოო შედეგების გათვალისწინებით.

2. ხელშეკრულების ღირებულება

2.1. ხელშეკრულების ჯამური ღირებულება შეადგენს ----- ლარს {თანხა სიტყვიერად} დღგ-ს გათვალისწინებით (----- ლარი დღგ-ს გარეშე).

2.2. ხელშეკრულების ჯამური ღირებულება მოიცავს ხელშეკრულებით გათვალისწინებული მიწოდების განხორციელებასთან დაკავშირებულ ყველა ხარჯს, საქართველოს კანონმდებლობით გათვალისწინებული გადასახადების ჩათვლით.

3. ანგარიშსწორების ფორმა

3.1. წინასწარი გადახდის წესი არ გამოიყენება.

3.2. ანგარიშსწორება განხორციელდება უნაღდო ანგარიშსწორების ფორმით, ეტაპობრივად, ყოველთვიურად, „მიმწოდებლის“ მიერ ფაქტიურად მიწოდებული შესყიდვის ობიექტის ღირებულების შესაბამისად, მიღება-ჩაბარების დამადასტურებელი შესაბამისი დოკუმენტის საფუძველზე, „მიმწოდებლის“ მიერ საგადასახადო/საანგარიშსწორებო დოკუმენტაციის წარმოდგენიდან 5 (ხუთი) სამუშაო დღის განმავლობაში.

4. მიღება-ჩაბარების წესი

4.1. შესყიდვის ობიექტის მიღება-ჩაბარება დასტურდება ამ ფაქტის დამადასტურებელი შესაბამისი დოკუმენტით, რომელიც ფორმდება საანგარიშო (განვლილი) თვის დასრულების შემდეგ, მომდევნო თვის დასაწყისში, მხარეთა ურთიერთშეთანხმებულ ვადაში.

5. შესყიდვის ობიექტის მიწოდების ადგილი და ვადა

5.1. შესყიდვის ობიექტის მიწოდების საერთო ვადა განისაზღვრება ხელშეკრულების ძალაში შესვლიდან (სავარაუდოდ 2021 წლის 01 თებერვალი) 2021 წლის 31 დეკემბრის ჩათვლით.

6. მხარეთა უფლება-მოვალეობანი

6.1. „შემსყიდველი“ უფლებამოსილია:

ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;

ბ) მიწოდების დასრულებამდე გამოითხოვოს „მიმწოდებლისაგან“ მისთვის საჭირო დოკუმენტაცია.

6.2. „შემსყიდველი“ ვალდებულია:

ა) უზრუნველყოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს ხელშეკრულების შესრულების მიმდინარეობის პროცესს.

6.3. „მიმწოდებელი“ უფლებამოსილია მოსთხოვოს „შემსყიდველს“ ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. „მიმწოდებელი“ ვალდებულია:

ა) შეასრულოს ხელშეკრულების პირობები სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულებაში;

ბ) უზრუნველყოს ხელშეკრულების შესრულება ტექნიკური დავალებისა და სატენდერო წინადადების შესაბამისად;

გ) შესყიდვის ობიექტის ნაკლის/ხარვეზის აღმოჩენის შემთხვევაში, გამოასწოროს იგი საკუთარი სახსრებით „შემსყიდველის“ შეტყობინებიდან არაუგვიანეს მეორე სამუშაო დღისა.

7. შესყიდვის ობიექტის გარანტია

7.1. შესყიდვის ობიექტის ნაკლის/ხარვეზის აღმოჩენის შემთხვევაში, „მიმწოდებელმა“ იგი უნდა გამოასწოროს საკუთარი სახსრებით, „შემსყიდველის“ შეტყობინებიდან არაუგვიანეს მეორე სამუშაო დღისა.

8. ხელშეკრულების შესრულების კონტროლი

8.1. „შემსყიდველი“ უფლებამოსილია განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

8.2. ხელშეკრულების შესრულების კონტროლს „შემსყიდველის“ მხრიდან განახორციელებს კოორდინატორ(ებ)ი {შემსყიდველისგან უფლებამოსილი პირის სახელი და გვარი ან/და თანამდებობა}.

8.3. შემოწმების შედეგად გამოვლენილი ნებისმიერი ნაკლის შესახებ „შემსყიდველი“ დაუყოვნებლივ აცნობებს „მიმწოდებელს“ წუნდების მიზეზების მითითებით.

8.4. გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. ხელშეკრულების მოქმედების ვადა

9.1. წინამდებარე ხელშეკრულება მოქმედებს ხელშეკრულების ძალაში შესვლიდან 2022 წლის 31 იანვრის ჩათვლით, ხოლო ფინანსური ვალდებულებების შესრულების ნაწილში მათ შესრულებამდე.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ მეორე მხარისათვის წერილობითი გაფრთხილებიდან 3 სამუშაო დღის ვადაში.

10.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.5. მხარეები უფლებამოსილნი არიან, ხელშეკრულების მოქმედების ნებისმიერ ეტაპზე, მთლიანად ან ნაწილობრივ, ცალმხრივად შეწყვიტონ წინამდებარე ხელშეკრულება, თუ მხარისათვის ცნობილი გახდა მეორე მხარის მიერ ხელშეკრულებით ნაკისრი ვალდებულებების შესრულების შეუძლებლობის შესახებ.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. მხარეთა იურიდიული მისამართები და რეკვიზიტები

„შემსყიდველი“ სს „ელექტროენერგეტიკული სისტემის კომერციული ოპერატორი“	„მიმწოდებელი“ -----
ქ. თბილისი. ბარათაშვილის ქ. №2 ტელ. 240-14-20 სს „თიბისი ბანკის“ ვერის ფილიალი ბანკის კოდი TBCBGE22 ა/ა GE76TB7505936030100001 საიდენტიფიკაციო კოდი 205170036	
{სახელი და გვარი}	{სახელი და გვარი}
გენერალური დირექტორი	{თანამდებობა}

სს „ელექტროენერგეტიკული სისტემის კომერციული ოპერატორსა“ და {მიმწოდებელს} {წელი}
{რიცხვი} {თვე} გაფორმებული ხელშეკრულების დანართი №